

La Quotidiana 8-1-2016, p. 18

## 17.25 CUNTRASTS SIN SRF 1

### Nos Alberto



El è probablamin la pli famusa persunalitad grischuna: Alberto Giacometti. L'artist bregagliot da renum mundial è mort avant 50 onns, ils 11 da schaner 1966. En memoria a l'um sin la bancnota da tschient ed ad in dals pli gronds artists dal tschientaner passà mussan ils Cuntrasts il film «Nos Alberto» da Susanna Fanzun. Alberto Giacometti che viveva a Paris turnava adina puspè en sia val Bregaglia. La glied da la val avevan gugent el e numnavan el: Nos Alberto. Ses maletgs e sias figuras na persvadevan dentant betg tuts. Co viva el e ses art en la regurdientscha da las Bregagliottas e Bregagliots? Ina tschertga filmica.